



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-05-18645-72/19
Sarajevo, 22.10.2019. godine

SKUPŠTINA KANTONA SARAJEVO

-Služba za skupštinske poslove-

PREDMET: *Odgovor na zastupničko pitanje – dostavlja se*

Zastupnik Skupštine Kantona Sarajevo, Zvonko Marić, je na 8. radnoj sjednici Skupštine Kantona Sarajevo, održanoj dana 14.05.2019. godine, u okviru tačke Dnevnog reda "Poslanička/zastupnička pitanja, inicijative i odgovori" a u skladu sa Poslovnikom Skupštine Kantona Sarajevo, uputio zastupničko pitanje:

"Molim Vladu KS i njena resorna Ministarstva, kao i SVA javna kantonalna preduzeća, javne kantonalne ustanove da mi dostave informaciju o sistematizaciji radnih mjesta kao i akte-dokumente koji to reguliraju"?

ODGOVOR

Ministarstvo zdravstva Kantona Sarajevo je svim javnim zdravstvenim ustanovama u Kantonu Sarajevo prosljedilo navedeno zastupničko pitanje uvaženog zastupnika Skupštine Kantona Sarajevo, Zvonke Marića, na odgovor.

Uzimajući u obzir da sve javne zdravstvene ustanove u Kantonu Sarajevo nisu u roku dostavile tražene odgovore, ovo ministarstvo je dana 09.09.2019. godine uputilo urgenciju prema ustanovama koje do tada nisu dale svoje odgovore na navedeno zastupničko pitanje.

Nakon dobivanja odgovora od strane svih javnih zdravstvenih ustanova u Kantonu Sarajevo na navedeno zastupničko pitanje, Ministarstvo zdravstva Kantona Sarajevo Vas obavještava o slijedećem:

Javne zdravstvene ustanove u Kantonu Sarajevo imaju svoje Pravilnike o radu, unutrašnjoj organizaciji i sistematizaciji radnih mjesta, koji između ostalog regulišu i pitanje sistematizacije radnih mjesta u istim.

Navedeni Pravilnici su donešeni i usklađeni s Zakonom o radu FBiH ("Službene novine Federacije BiH", br.: 26/16 i 89/18), Kolektivnim ugovorom o pravima i obavezama poslodavaca i radnika u djelatnosti doktora medicine i stomatologije na području Kantona Sarajevo ("Službene



novine Kantona Sarajevo”, br.: 45/17, 05/18 i 39/18) i Kolektivnim ugovorom o pravima i obavezama poslodavaca i radnika u oblasti zdravstva za područje Kantona Sarajevo (“Službene novine Kantona Sarajevo”, br.: 44/17 i 39/18).

Također, sistematizacija radnih mjesta u Ministarstvu zdravstva Kantona Sarajevo uređena je Pravilnikom o unutrašnjoj organizaciji Ministarstva zdravstva Kantona Sarajevo iz 2016 .godine, sa izmjenom iz 2016. godine i 2019. godine, na koji je svoje pozitivno mišljenje dalo Ministarstvo finansija Kantona Sarajevo i Ministarstvo pravde i uprave Kantona Sarajevo, te konačnu saglasnost na isti - Vlada Kantona Sarajevo.

Ovaj Pravilnik kao i njegove izmjene, donešen je na osnovu Zakona državnoj službi Kantona Sarajevo (“Službene novine Kantona Sarajevo”, broj 31/16), Zakona o namještenicima u organima državne službe u Federaciji Bosne i Hercegovine (“Službene novine FBiH”, broj 49/05), Zakona o organizaciji organa uprave u Federaciji Bosne i Hercegovine (“Službene novine FBiH”, broj 35/05), Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija („Službene novine Kantona Sarajevo”, br. 36/06, 8/12 i 39/16), Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uvjetima za vršenje tih poslova i ostvarivanju određenih prava iz radnog odnosa (“Službene novine Kantona Sarajevo”, br.: 39/16 i 10/17) i Uredbe o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koju obavljaju namještenici (“Službene novine FBiH”, br.: 69/05 i 29/06).

S poštovanjem,

Pripremila: Ivona Islamagić, dipl.pravnik
Kontrolisali: Alen Katović, Pomoćnik Ministarstva
Amra Isić, Sekretar Ministarstva

MINISTRICA

Prof. dr sci. med. Amela Sofić

Dostaviti:
1. Naslovu
2. a/a



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1

